

# 97 pelajar pascasiswazah UMS terima Skim Bantuan Pascasiswazah

NST 18.11.2019 2

KOTA KINABALU: Seramai 97 pelajar pascasiswazah Universiti Malaysia Sabah (UMS) telah menerima Skim Bantuan Pascasiswazah bagi semester 1 Sesi 2019/2020, termasuk 2 pelajar antarabangsa yang

menerima Skim Yuran Pelajar Antarabangsa sebagai bantuan untuk aktiviti penyelidikan dan pengajian mereka.

Surat tawaran skim tersebut disampaikan oleh Timbalan Naib Canselor (Akademik

dan Antarabangsa) UMS, Prof. Dr. Rasid Mail dalam satu majlis yang diadakan di Cafe D'Sireh, Bangunan Canselori baru-baru ini.

Dalam ucapan amanatnya pada majlis itu, Prof. Dr. Rasid

mengingatkan para pelajar yang menerima skim bantuan tersebut agar memanfaatkan bantuan itu dengan sebaiknya dalam membantu mereka menamatkan pengajian dalam ijazah Sarjana atau Doktor Falsafah.

"Beri perhatian penuh dan fokus untuk menyelesaikan penyelidikan masing-masing dengan jayanya agar dapat mencapai Graduate on Time (GOT).

"UMS telah menyediakan sejumlah peruntukan yang besar setiap tahun untuk digunakan bagi meringankan beban pelajar-pelajar pascasiswazah di UMS dalam menjalani pengajian mereka, justeru jangan sia-siakan peluang yang diberi ini," katanya.

Terdahulu, Timbalan Dekan (Kebajikan Pelajar), Pusat Pengajian Pascasiswazah, Dr. Azaze @ Azizi Haji Abdul Adis berkata setiap penerima skim bantuan pascasiswazah mempunyai tanggungjawab terhadap fakulti masing-masing.

Menurutnya ini adalah kerana khidmat mereka boleh digunakan untuk membantu aktiviti di fakulti, pusat mahupun institut masing-masing.

"Para penerima skim bantuan juga diwajibkan untuk mengikuti Kolokium yang akan diadakan di Pusat Pengajian Pascasiswazah, yang mana para penerima perlu membentangkan secara ringkas mengenai penyelidikan dan kemajuan pengajian mas-

ing-masing," ujar Dr. Azaze.

Hadir sama pada majlis tersebut Dekan Fakulti Psikologi dan Pendidikan, Prof Dr Ismail Ibrahim; Dekan Fakulti Sains dan Sumber Alam, Prof Dr Baba Musta; Dekan Fakulti Sains Makanan dan Pemakanan, Prof Madya Dr Patricia Clementina Matanjun; Timbalan Dekan (Akademik dan Antarabangsa) Pusat Pengajian Pascasiswazah, Prof. Madya Dr. Fauziah Sulaiman.



**BERSAMA PENERIMA ... Rasid bergambar bersama 97 penerima Skim Bantuan Pascasiswazah**